

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt Primvm. Theologorum conuentus de Missae sacrificio. Variae
Patrum sententiae de praemittenda explicatione doctrinae. Quaestio
suscitata, An Christus in Coena seipsum pro nobis immolauerit.

urn:nbn:de:hbz:466:1-11718

necessitate grauis emendationis, eiusque mandata. Articuli de Ordinis Sacramento minoribus Theologis propositi, & forma ipsis prescripta. Questio excitata, Num, & quo pacto Episcopi sint instituti Presbyteris superiores, iure Diuino. Studia Legatorum ad eam sponiendam, ne questio de Mansione rursus excitaretur; sed frustra. Tria ab ipsis Pontifici proposita ad rem componendam; & quodnam illi probatum. Noua contentio de loco inter Oratorem Helueticum & Bauaricum ad tempus sedata. Polonus Orator exceptus. Altempstij Legati profectio. Consilium Pontificis de Legatis addendis, sed omissum. Graue certamen super noua questione, quam diximus. Mandata à Rege Catholico Hispanis Præsulibus tradita, Sedi Apostolice propitia: & à Cæsare scripta suis Oratoribus ad morum correctionem, & coniunctionem cum Gallis. Sessio his postulantibus dies quindecim prorogata; idque prius probatum, dein improbatum Pontifici, & qua de causa: sed sero. Lotharingi Cardinalis aduentus.

CAPVT PRIMVM.

Theologorum conuentus de Missæ sacrificio. Variæ Patrum sententiae de præmittenda explicatione doctrinæ. Questio suscita-
ta, An Christus in Cœna seipsum pro nobis immolauerit.

VIGESIMO PRIMO Iulij minorum Theologorum cœtus inchoati, in quibus nec iudices nec corona locutoribus defuere. Etenim ^a inter alios cœtus, in eo primo, in quo solus Salmeron verba fecit, auditores adfuere omnes Legati, Madruccius Cardinalis, Ora-
tores Cæsarei, Gallici, ac Veneti, centum quinquaginta septem ex Patribus, centum circiter minores Theologi, & præter hos duo ferè capitum millia. Reliqui deinceps habiti sunt; omnesque conuenere in agnoscenda Missa tamquam vero noui Testamenti sacrificio. Sed dum in hanc narrationem Suavis ingreditur, in ipso lamine labitur, affirmans, in conuentu vigesimā quartā Iulij habito Georgium Ataidam Lusitani Regis Theologum dixisse, Vnicum illius dogmatis fundamentum in concordi Patrum traditione inniti, & ab eodem fuisse negatam vim probationibus, quæ deduce-
N 2 bantur

1562.

^a Diarium,
21. Iulij
1562.

1562.

bantur ex facto Melchisedech, ex celebri Malachia^e testimonio, & ex verbis Christi ad Apostolos in Cœna: Protestantium argumenta efficaciter ab eo producta; sed eneuiter reiecta, adeoque in finistram suspicionem illum incidisse: eâ tamen purgatum fuisse ab iis, quæ illius collegæ ac ciues attulerant; sed paulo post inde recessisse, ac proinde non extare eius nomen in catalogis post Concilium impressis.

In primis Georgius Ataida, Comitis Castaneræ filius, nec eo die, nec vñquam de argumentis illius Sessionis sermonem habuit, vt liquet ex Diariis & Actis. Deinde non modò è Concilio tunc non recessit, quod in ea disputatione minus aptè se gesserit; sed comprobatur, ibi commoratum fuisse quinque postea menses, cum Borromæus per epistolam suam, petente Oratore Lusitano Romæ scriptam Legatos^b rogar, vt illi & honorem exhibeant & fauorem; simulque optimam de ipso existimationem præ se fert. Is etiam post Synodum promotus in Lusitania fuit ad nobilem Ecclesiam Visei; habitusque planè fuit in multo maiori pretio, quam ille haberetur, qui ab Oecumenica Synodo recessisset, quod ibi ob modicam doctrinæ sanitatem haud placuisse.

Iam verò res longè aliter quam narrat Suavis contigit in altero; Theologo Lusitano Francisco Forero, ex Ordine Prædicatorum, cuius sermo habetur in Actis illius diei^d: & ea, quæ illi euenerent, narrantur ab Archiepiscopo Iadrensi, & Mutinensi Episcopo, qui interfuerent^e: nec ille discessit è Synodo, sed usque ad exitum ibi perstitit, eiusque nomen recensetur in Concilio postea typis edito Antuerpiæ ac Louanijs. Quin absoluta Synodo, à Pontifice adhibitus idem fuit vñà cum Archiepiscopo Lancianensi, & Mutinensi Episcopo, graui & honorifico molimini, Tridenti non omnino perfecto, reformati Missalis ac Breuiarij, formandique Catechismi: fuit etiam à secretis Conuentui, destinato ad indicem absoluendum: quapropter in procœmio in Operis fronte, illius nomen inscriptum legitur^f.

Præterea inficiatus ille non est, Scripturæ testimoniis, quod intendebarunt, probari, sed ratione aliâ à communi explicauit tum id quod Christo tribuitur ex similitudine Melchisedech, tum verba à Deo dicta apud Malachiam ad Hebræos^g: *Munus non suscipiam de manu vestra; ab ortu enim solis usque ad occasum magnum est nomen meum in Gentibus, & in omni loco sacrificatur, & offertur nomini meo oblatione munda.* Insuper id quod à Christo dictum est Apostolis in Cœna, voluit Forerus ut vim haberet ad eam consecrationem trahendam non

*b Litteræ
Borromæi
ad Legatos,
23. Decem-
bris 1562.
c Vide Aloy-
sium Grana-
tam in secun-
da parte
Symboli,
cap. 7. in par-
ticula, cui ti-
tulus est, *De
alii mira-
tu no: abili-
bus atatis
nostræ.
d Acta arcis
Æliax.
e In litteris
ad Corne-
lium & Mo-
ronum Car-
dinales,
27. Iuli
1562.
f De ipsis
virtute &
eruditissimi
Operibus
confuse Xi-
stum Senen-
sem in Bi-
bliotheca
sancta, ad ip-
sius nomen.
g Cap. 1. ver-
tu 10. & 11.**

1562.

non ex meritis litteræ conditionibus, sed ex unanimi Patrum interpretatione, à quibus tamen, aiebat ille, ita intelligitur, sed non affirmatur, hanc ipsorum intelligentiam esse Fidei dogma. Idcirco colligere studuit, Sacerdotum institutionem, potestatemque sacrificandi ipsis traditam, traditione quidem, non autem Scripturæ verbis comprobari; quod longè abest ab eo, quod fusè refert Suauitatem confidentiæ, perinde ac si suis ipse oculis ab auctographo exemplar exscripisset: sed proprium est mendacij, quamvis à timore plerūque progeniti, sōcium esse temeritatis.

Reliqui Lusitani animaduersā molestiā, quam eo die Foreri sermo in cunctos diffuderat, studuerunt honorem plausumque nationi suæ recuperare, confirmantes communem locorum Scripturæ, quæ fuerant adducta, interpretationem, & responsa à Forero prolatæ reiicientes; non tamen per modum damnantium, sed explicantium ipsius dicta: præcipue verò triduo post egregiam dissertationem habuit Melchior Cornelius^b, Theologus à Sebastiano Rege missus, vbi notauit, testimonium Malachiæ ita intelligi à secundo Concilio Nicæno, Actione quartâ: obseruavit, à Christo, cùm esset Sacerdos secundum ordinem Melchisedech, panem & vinum immolari debuisse; cumque idem Apostolis dixisset, *Hoc facite, ipsis proinde illum imposuisse, ut panem ac vinum immolarent: suaque dicta non modicā eruditione ac doctrinā confirmauit.*

Conuenerant de cunctis articulis Theologi: quare à selectis Patribus Canones ac Decreta digesta sunt, quæ sexto Augustiⁱ cum reliquis Patribus priuatim communicata, quò per aliquot dies illa perpenderent; & vndecimo die generali confessi sunt proposta. Duæ hīc præcipuae controvērsiae subortæ sunt.

Altera, de qua leuius disceptatum est, An esset ante Canones apponenda aliqua doctrinæ declaratio. Partem negantem Castanea sustinuit: Id aduersari consuetudini superiorum omnium Synodorum, imitandam esse præcipue Synodum Apostolorum, quibus fatis fuit dicere: *Vixum est Spiritui Sancto, & nobis.* Ita sapientes iudices agere, qui rationes latis sententiis non apponunt: id aptius esse ad conseruandam Concilij auctoritatem, omnemque ansam oppugnatoribus amputandam. Huiusmodi doctrinam videri inutilem ad permouendos hæreticos, quippe nixam traditionibus, quas illi aspernantur, superuacaneam Catholicis, qui excipiunt usurpatum sine dubitatione cunctos Missæ ritus, ac fatis nouere, ea omnia antiquitati & auctoritati conformari. Ad hanc sententiam accessere Episcopi Clodiensis & Stabiensis: alter, vt illam roboret, dixit,

N. 3

Nostræ

^b Præter Acta, fusè est in Diario,
27. Iulij.
1562.

ⁱ Diarium,
& Acta,
6. & 17.

1562. Nostræ diuturnissimæ possessioni opus non esse aio fundamento ad eam stabiliendam : alter, Transmisam fuisse Iulij III. ætate formam quamdam iam paratam doctrinæ super eo argumento , & ab hæreticis aduersum illam multa obiecta ac vulgata fuisse , quibus euenire posset , quo minus tunc satisficeret ut par est , ob breuitatem temporis ac scripturæ , de iis articulis , adeoque subiri discrimen minuendæ potius quam augenda firmitudinis definitionibus. Idem pariter opinabatur Episcopus Quinque Ecclesiarum , admonens , satius esse modum imponere tot libellis , saxe inter se repugnantibus , de huiusmodi argumento iam editis , qui in Ecclesiæ agro euadabant potius aut contentionum zizania , aut superfluitatis palea , quam flosculi formositatis.

^k Acta , ac
litteræ La-
drensis ,
10 Augusti
1562.

Ex altera parte Callinus ^k Archiepiscopis Iadrensis , Roberius & Blancus , alter Senogalliensis , alter Auriensis Antistes , Io. Baptista Osius Reatinus , & Alexander Sfortia Parmensis , qui postea inter Purpuratos eluxit , & de quo inter primas Pauli IV. turbas locuti sumus , breuem aliquam explicationem voluissent , quæ ad merè declarandos Canones , non ad eos comprobandos , nec ad hæreticos conuincendos vim obtineret : Rem amplius integrum non esse ; iam innotescere , ad motam aliæ à Concilio manum fuisse huic doctrinæ operi : ea tunc si retraheretur , visum iri reprehensionibus aduersariorum cedere , simulque aut opus ipsum perfici non posse , aut opifices satis non esse : utrumque indecorum Ecclesiæ . Seruandam tamen breuitatem sobrietatemque , laudatam ex iis quæ primæ sententiaz fautores attulerant.

Sed tertia opinio vicit : Ponendam esse in fronte Sessionis doctrinam pro thématis dignitate , quæ doctrinâ confirmatae viderentur definitiones , & ea quæ opponuntur , abiecta. Ita censuit Paulus Iouius Nuceriensis Episcopus ; & pro hac parte pugnarunt acriter Stella , Fuscararius , Bouius , & Prosper Rebiba Episcopus Troianus : Prætermitti non posse omnem explicationem doctrinæ ob rationes adductas à propugnatoribus secundæ sententiaz : nec pariter breuem esse adhibendum sermonem , ne aduersariorum argumenta insolubilia viderentur. Si Concilium eum morem tenuerat in superioribus argumentis , longè id impensius agendum tunc in eo argumento , non expenso ab anteactis Conciliis , amplio ac difficulti , & à variis sectis oppugnato. Adiecit Franciscus de Gado , Antistes Lucensis in Hispania , Deberi fidelibus non modò definitiones eorum quæ essent credenda , sed non minus Pastoribus & Concionatoribus deberi doctrinam eorum , quæ ab ipsis tradenda sunt populis

1562.

pulis ad dogmatum explicationem & confirmationem : nec eam expositionem doctrinæ melius alibi ab Ecclesia præstari posse, quām in Oecumenica Synodo, vbi sapientiæ flos conuenit , vbi quæ singuli nouerint cunctis communicantur, & vbi veritatis Spiritus præfens est.

⁹ Castaneæ argumentis respondebant Petrus Camaianus Fæsulorum Episcopus, & Didacus Couarruuias Ciuitatensis : Non solius iudicis partes agere Synodum , sed simul magistri ac parentis, & oportere, vt doctrinâ magis quām gladio hæresim ipsa profligaret. Id Fuscararius corroborabat ex eo quod communiter scholastici tradunt in procœmio Magistri Sententiarum : Fidei quoque dogmata exornanda esse atque illustranda rationibus, non quasi nostræ Fidei fundamentis, sed tamquam munitionibus aduersus obiecta non credentium. Aiebat Stella : Non ex eo quod hæretici traditiones reuicerent, deserendum esse à Concilio usum huiusmodi præualidarum probationum ; stultum esse litigatorem, qui in sua intentione stabilienda tacet id quod potissimum conuincit , eò quod aduersarius illius despectum præ se ferat. Idem comprobabat Gadus : Quoniam reuera nequeunt etiam hæretici huiusmodi probationes respuerre, vbi reiectâ ipsarum efficacitate non habent unde reliquias, quibus ipsi vtuntur , tamquam veteres agnoscant : vnde nam ipsis innotescere, nisi ex Traditione, Euangeliū ab ipsis acceptum, illud idem esse quod à sacris Auctoribus dictatum est, & ab Apostolis promulgatum ? Denique ad Synodorum superiorum consuetudinem respondebat Iulius Magnanus, ex Minorum Ordine Episcopus Caluensis : Præter recentissimum ac validissimum exemplum ipsius Tridentini Concilij in præteritis Sessionibus, etiam in Ephesino Canones obscuriores adiectâ doctrinæ luce fuisse à Cyrillo declaratos. Verumtamen ij omnes cupierunt , vt exemplar propositum, quod ne suis quidem auctoribus satis probabatur , reconcinnaretur¹; vtque quando complures eruditæ libri de huiusmodi arguento conscripti fuerant, opus Concilij esset, vt ita loquamus, coronis quædam, quâ perficeretur ædificium.

¹⁰ Dum hac de re disputabatur, excitata fuit secunda & maior quæstio, An Christus seipsum Patri obtulerit sacrificium in Cœna, an solū in Cruce. Ea de re nihil in paratis Decretis habebatur , propterea quod illis formandis præferat Seripandus, cui numquam usum est^m operæ pretium esse , huiusmodi definitionem assumere; sed videbatur in doctrina Iulio sedente digesta positum id fuisse. Et Salmeron, cui Sotus in eo aduersatus est, cùm sententiam de arti-

^l Litteræ
commemo-
rare Archi-
episcopi la-
drensis, &
Acta Paleot-

^m Epist. Seri-
pandi ad
Borromæum,
6. Septem-
bris, & epi-
stola iam di-
cta ladren-
sis, & altera,
13. Augusti
1562.

1562. culis proferret, rem fusè affirmando agitarat, suaſque rationes posteà Patribus scripto exhibuerat: & nonnulli rebantur, non posſe recte fundari articulum, nimirum, Eucharistiam esse *propitiatorium sacrificium*, in eo argumento, quòd Christus fuerit Sacerdos secundùm ordinem Melchisedech, hoc eſt, panis ac vini, si relinqueretur ambiguum, an Christus viꝝquam obtulisset *propitiatorium sacrificium* per panem ac vinum. Verùm cùm Decreta Patrum conuentui ſunt expoſita, exemplò variæ ſuper ea controverſia ſententiæ exortæ ſunt; & ſicut res in quæſtionem vocatæ attentionem animi ad ſe fortius trahunt quām manifestæ, quibus ingenium nihil de ſuo tribuit, nec poteſt partes maximè delectabiles inuenitoris agere, complures ſtudium ratiocinationemque ad hoc argumentum conuerterunt. Nec id mirum accidit; Natura quippe vel maximè propriam hominis in eo poſuit affectionem Spei, quæ ſuum quodam peculiare bonum in ipſa boni arduitate plurimum amat.

C A P V T II.

*Variæ ſententiæ, earumque fundamenta, de memorata quæſtione,
et alia in Decretis expenſa et composita.*

Super diputatione, de qua diximus, quatuor in classes Patres diuifi. In primam abiit Madruccius Cardinalis, & cum eo Petrus Antonius de Capuo Archiepiscopus Hydruntinus, Castanea, & alij complures, affirmantes, Christum pro nobis ſeipſum in Cœna ſacrificasse, idque Scripturæ oraculis, Patrum testimonii, auctoribusque Græcis ac Latinis confirmantes: & addebat Castanea, id etiam in libello *Interim* Germanici contineri. Ioannes Antonius Pantosa Episcopus Literarensis conſiderauit verbum à Christo ad Apostolos dictum, & in iphis ad Sacerdotes: expenſum quoque ad id ipsum à Melchiore Cornelio, *Hoc facite*: quod verbum pro certo ponit rem quamdam omnino conſimilem rei præceptæ, anteà peractam, & posteà indicatam, cùm id importet ut illo pronomine *hoc*. Iam verò Christus, aiebat ille, præcepit Apostolis, & in iphis præcepit Sacerdotibus, non ſolum ut Eucharistiam acciperent, nec ſolum ut conſecrarent, quod ſatis non erat ad illos Sacerdotes conſtituendos; ſed ut offerrent ſacrificarentque pro nobis & pro noſtriſ peccatis. Igitur ipſe in ea actione, quam nobis imitandam proposuit, obtulit ſacrificium propitiatorium. Id conſirmauit producta S. Thomæ doctrinâ, quòd in extrema formæ prolatione fit simul à Sacerdotibus & conſecratio & oblatio & ſacrificium: